

---

# Perhebat R&D cipta teknologi elak bergantung buruh asing

**Kementerian** Perusahaan Perladangan dan Komoditi baru-baru ini dilaporkan berunding dengan Kementerian Dalam Negeri (KDN) dan Kementerian Sumber Manusia bagi mendapatkan kebenaran khas membawa masuk pekerja asing.

Malah, sebelum ini, sektor perikanan laut juga dilaporkan berhadapan masalah kekurangan tenaga kerja selepas pekerja asing dari Thailand tidak dibenarkan memasuki negara ini sejak pelaksanaan Perintah Kawalan Pergerakan (PKP), Mac tahun lalu.

Namun, isu ini diselesaikan selepas tekong dan awak-awak dari Thailand dibenarkan kembali ke negara ini.

Ribuan pekerja ladang sawit dari Indonesia pulang ke negara mereka ketika Malaysia menutup sempadan untuk membendung pandemik.

Mungkin kerajaan boleh mempertimbangkan untuk membenarkan buruh ladang Indonesia yang terkandas di negara asal, kembali ke negara ini dengan mengambil contoh kes di sektor perikanan berbanding membawa masuk pekerja asing baharu.

Buruh ladang asing dibenarkan kembali perlu mempunyai sijil pengesahan negatif COVID-19 sebelum mendapatkan MyTravelPass.

Sebagai langkah jangka panjang diharap usaha penyelidikan dan pembangunan (R&D) diperhebat bagi mencipta teknologi mesin, dron serta robotik dalam kerja meracun dan menuai buah sawit supaya kebergantungan kepada pekerja asing dapat dikurangkan.